

## DONNE, JAMES (1764 - 1844), offeiriad ac ysgolfeistr

**Enw:** James Donne  
**Dyddiad geni:** 1764  
**Dyddiad marw:** 1844  
**Priod:** Alice Donne (née Croxon)  
**Priod:** Caroline Donne (née Thomson)  
**Plentyn:** Stephen Donne  
**Plentyn:** James Donne  
**Rhyw:** Gwryw  
**Galwedigaeth:** offeiriad ac ysgolfeistr  
**Maes gweithgaredd:** Crefydd; Addysg  
**Awdur:** William Llewelyn Davies

Ganwyd 14 Chwefror 1764 yn Kingston, sir Faesyfed. Ymddengys iddo dderbyn cyfran o'i addysg dan **David Lloyd**, Llanbister - gweler **NLW MS 4954C**. Derbyniwyd ef i Goleg S. Ioan, Caergrawnt, 21 Mai 1784 (B.A. 1788, M.A. 1792, D.D. 1825). Bu'n athro yn ysgol Dr. Thomson, Kensington, 1788, ordeiniwyd ef (yn Henffordd) 30 Mai 1790, a dyfod yn gurad Kington, Swydd Henffordd; cafodd urddau offeiriad ar 17 Mehefin 1791. Daeth yn ail feistr yn y King's School, Caer, 1794, yn gurad Eccleston gerllaw, ac yn ganon yn eglwys gadeiriol Caer. Ychydig yn ddiweddarach gwnaethpwyd ef yn brifathro ysgol ramadeg Croesoswallt; cafodd ficeriaeth Llanyblodwel yn 1798. Priododd (1), 1793, Caroline, merch John Thomson, marsiandwr, Edinburgh, a (2), 1798, Alice, merch John Croxon, Croesoswallt. Llwyddodd i adfer i feddiant ysgol Croesoswallt 26 erw o dir a gollasid iddi oherwydd dibristod rhai o'i ragflaenwyr. Ymddeolodd o swydd prifathro yn 1833 a mynd i fyw i ficerdy Llanyblodwel, lle y bu farw 23 Ionawr 1844. Daeth dau fab iddo, James a Stephen, hanner-brodyr, yn offeiriaid; dilynodd Stephen ei dad fel pennaeth ysgol Croesoswallt.

Y mae yng nghadw yn Ll.G.C. lawer o lythyrau a ysgrifennodd James Donne at (neu a gafodd yntau oddi wrth) rai o Gymry blaenllaw ei gyfnod - **Walter Davies** ('Gwallter Mechain'), **W. J. Rees**, Cascob, **Hugh Davies**, awdur *Welsh Botany*, **Rowland Williams**, Ysceifiog, **John Jenkins** ('Ifor Ceri'), etc.

### Awdur

**Syr William Llewelyn Davies**, (1887 - 1952)

### Ffynonellau

Venn, *Alumni Cantabrigienses*

*The Gentleman's Magazine*, 1844, i, 327

*Bye-Gones, relating to Wales and the Border Counties*, 1874-5, 102; 1880-1, 252

Archifau LIGC: **NLW MS 1804E**, **NLW MS 1889E**, **NLW MS 4954C**, **NLW MS 6664C**, **NLW MS 7938C**

### Dolenni Ychwanegol

Wikidata: **Q20733312**

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC-RUU/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Arddull APA



Davies, W. Ll., (1953). DONNE, JAMES (1764 - 1844), offeiriad ac ysgolfeistr. *Y Bywgraffiadur Cymreig*. Adferwyd 11 Tac 2024, o <https://bywgraffiadur.cymru/article/c-DONN-JAM-1764>

Copïwrdd

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government